



PRAECOGNITA.

CAPVT I.

D E

THEOLOGIA IN GENERE.

§. I.

Vox Theologiae inscriptioni apocalypseos ab antiquis adiecta *Etymologia.* ducitur a voce Θεός et λόγος, notatque discursum, scientiam, rationemque de DEO, eo pacto, quo Physiologia discursum de natura, Arthologia discursum de virtutibus, Ethologia discursum de moribus, notat. Voces enim raro id omne comprehendunt, quod vsu suo significant, sed nonnunquam, vel a parte tantum rei significatae, vel ab accidente aliquo desumuntur. Nec enim vox Theologiae *obiectum* suum *materiale* adaequate exprimit, sed partem tantum eius quam nobilissimam, DEVM, *obiectum* vero *formale*, siue considerandi modum, qui in reuelatione consistit, plane subicit, quare et naturali Theologiae competit.

§. 2. Quoad homonymiam, Theologia est vel *Christiana*, vel *Gentilis*, vel *Iudaica*. *Christiana* proprie est, quae ex reuelatione V. et N. T. descendit. Quamquam enim *gentili* Theologia, ea rerum diuinarum consideratio, quae ex natura res diuinas et mores hominum considerat, aliquo modo ad Christianum Theologum

A 2

gum